



## **AGINDUA, 2019KO EKAINAREN 7KOA, ENPLEGUKO ETA GIZARTE POLITIKETAKO SAILBURUARENA, ENPLEGUKO ETA GIZARTE POLITIKETAKO SAILAREN 2019. URTERAKO DIRU-LAGUNTZEN PLAN ESTRATEGIKOA ONARTZEN DUEN AGINDUA ALDATZEN DUENA.**

Diru-laguntzei buruzko azaroaren 17ko 38/2003 Lege Orokorraren 8.1. artikulua ezarritakoaren arabera, *“diru-laguntzen ezarpena proposatzen duten administrazio publikoetako organoek, alde zuzenetik, diru-laguntzen plan estrategiko batean zehaztu beharko dituzte beraien aplikatzean lortu nahi diren helburuak eta ondorioak, baita horiek lortzeko epea, aurreikusten diren kostuak eta haien finantzatzeko iturriak ere, betiere aurrekontu-egonkortasunaren helburuak betetzearen baldintzapean”*. Arau horrek Estatuaren oinarriko legearen izaera du.

Aipatutakoa betez, 2019ko martxoaren 5ean, Enplegu eta Gizarte Politiketako Sailaren 2019. urterako Diru-laguntzen Plan Estrategikoa onartzen zuen Agindua eman zuen Enplegu eta Gizarte Politiketako sailburuak. Agindu horrek indarrik gabe utzi zuen 2018ko azaroaren 16ko Agindua.

Gizarte Zerbitzuen Zuzendaritzak “Lagunkoitasun Jardunbide Egokien Saria” ematea proposatzen zuen, lehia-konkurrentziako prozedura baterako dei eginez. Horren bidez, publikoki aintzatetsi nahi dira zahartzen ari diren pertsonentzat erraztaileak diren inguruneak sortzerakoan lagunkoitasun-terminoetan beren berrikuntza eta efikaziagatik nabarmentzen diren praktikak garatzen dituzten entitate publiko eta pribatuak.

Ekimen hori ez dago sail honen 2019. urterako Diru-laguntzen Plan Estrategikoan; hori dela-eta, plan hori aldatu behar da, indarrean dagoen legeria betetzeko.

Goian adierazitakoa kontuan hartuta, eta Lehendakariaren azaroaren 26ko 24/2016 Dekretuak (Euskal Autonomia Erkidegoaren Administrazioako sailak sortu, ezabatu eta aldatzen dituenak eta horien egitekoak eta jardun-arloak finkatzen dituenak) emandako eskumenen arabera, apirilaren 11ko 75/2017 Dekretuarekin lotuta (Enplegu eta Gizarte Politiketako Sailaren egitura organikoa eta funtzionala ezartzen duena), honako hau

## **EBAZTEN DUT**

**Lehenengoa.-** Enpleguko eta Gizarte Politiketako Sailaren 2019. urterako Diru-laguntzen Plan Estrategikoa aldatzea, eta, horrenbestez, “Lagunkotasun Jardunbide Egokien Sariari” dagokion 2019. urterako Gizarte Zerbitzuen Zuzendaritzaren diru-laguntzen lerroa gehitzea, agindu honen 2., 3. eta 4. eranskinetan deskribatzen den moduan.

**Bigarrena.-** Agindua argitara ematea, Enpleguko eta Gizarte Politiketako Sailaren webgunean argitaratuz eta unean-unean antolamendu juridikoan informazioaren eta gardentasunaren arloan aurreikusten diren xedapenak aplikatuz.

Vitoria-Gasteiz, 2019ko ekainaren 7 a

**Enpleguko eta Gizarte Politiketako sailburua**

**BEATRIZ ARTOLAZABAL ALBENIZ.**

sinadura elektronikoa

## GIZARTE ZERBITZUEN ZUZENDARITZA

### 2. eranskina: Ardatz estrategikoak eta diru-laguntzen lerroak: Helburuak, ekintzak eta adierazleak

<b>1. helburu estrategikoa:</b> gizarte-zerbitzuen sistema publikoaren garapenean esku hartzen duten eragile guztiekin, bai instituzionalekin bai sozialekin, sare-lana bultzatzea eta indartzea	
<b>Diru-laguntzen 45. lerroa:</b> Lagunkoitasun-jardunbide egokien 2019. urterako saria	
<b>Organoa:</b> Gizarte Zerbitzuen Zuzendaritza	
<b>1. programa:</b> (3123) Gizarte Zerbitzuak) Lagunkoitasun-jardunbide egokien 2019. urterako saria	<b>2019</b>
<b>1. helburua.</b> Herritarren eta sektore publiko, pribatu eta sozialaren parte-hartzea sustatzea, Euskal Autonomia Erkidegoan zahartzen ari diren pertsonen bizimodua erraztuko duten inguruneen sorrera sustatzeko lagunkoitasun-mugimendu bat garatu dadin.	3.000 €
<b>1. ekintza:</b> Lagunkoitasun Jardunbide Egokien Sariaren deialdia	
<b>1. adierazlea:</b> Lagunkoitasun Jardunbide Egokien Saria ematea	

### 3. eranskina: Ardatz estrategikoak eta diru-laguntzen lerroak: Aurrekontu-konpromisoak eta finantzaketa publiko osoarekiko finantzaketa-ehunekoa

<b>1. helburu estrategikoa:</b> gizarte-zerbitzuen sistema publikoaren garapenean esku hartzen duten eragile guztiekin, bai instituzionalekin bai sozialekin, sare-lana bultzatzea eta indartzea		
<b>Diru-laguntzen 45. lerroa:</b> Lagunkoitasun-jardunbide egokien 2019. urterako saria		
<b>Organoa:</b> Gizarte Zerbitzuen Zuzendaritza	<b>2019</b>	
<b>1. programa:</b> (3123) Gizarte Zerbitzuak) Lagunkoitasun-jardunbide egokien 2019. urterako saria	Zenbatekoa eurotan	%
4. kapitulua:	3.000 €	% 100
<b>Guztira:</b>	3.000 €	% 100

### 4. eranskina: Ardatz estrategikoak eta diru-laguntzen lerroak: Diru-laguntza jaso dezake(t)en sektorea(k) eta laguntza emateko prozedura

<b>1. helburu estrategikoa:</b> gizarte-zerbitzuen sistema publikoaren garapenean esku hartzen duten eragile guztiekin, bai instituzionalekin bai sozialekin, sare-lana bultzatzea eta indartzea	
<b>Diru-laguntzen 45. lerroa:</b> Lagunkoitasun-jardunbide egokien 2019. urterako saria	
<b>Organoa:</b> Gizarte Zerbitzuen Zuzendaritza	
<b>1. programa:</b> (3123) Gizarte Zerbitzuak) Lagunkoitasun-jardunbide egokien 2019. urterako saria	
Sektore hartzaileak	Administrazio publikoak, beren sektore publikoen parte diren entitateak eta egoitza soziala EAEn duten eta jarduera nagusia bertan garatzen duten pertsona juridikoak.
Emateko prozedura	Lehiaketa bidezko konkurrentzia.

